



53306

kat.komp.

I

Mag. St. Dr.

P

*Paczkowski Paulus. Theoremata ex Cursu philo-
sophico scientiae rationalis.*

224

Fr
C
lo
pu

THEOREMATA
EX
CVRSV PHILOSOPHICO
SCIENTIÆ RATIONALIS,
Ad mentem Angelici Docto-
ris D. Thomæ decerpta.

A

Fre. PAVLO PACZOSKI, S. Ordin. Cisterciē.
Conuentus Andreouien Professo, Artium & Phi-
losophiæ Baccalaureo, in Alma Academia Cracou.
publicè ad disputandum in AVGVSTO IAGELLO-
NIANÆ Domus DD. Théolog: Lectorio

PROPOSITA.

Anno Domini, 1636. Mense Novembre.

Die 25 Hora 20

CRAC. Typis Matthiæ Andreouien.

Bj 1. 6.



53306
I

Quod

^{fun}
Solea ferratis quod formidabilis vncis
Dura pharetrati de primo colla Getæ.
Arceo Bistonios patrijs quod finibus hostes
Ardua : nec timidis gressibus alta peto.
Quod pietate Deum sacris redimira tiaris
Placo, quod in patriæ comoda tota feror.
Non mea ferratis vis formidabilis vncis
Hæc facit, at mecum Cruz veneranda facit.



Illustrissimo ac Reuerendissimo Dño,

DOMINO REMIGIO

à KONIECPOLE

KONIECPOLSKI,

Dei & Apostolicæ Sedis Gratia

EPISCOPO CHELMENSI, Abbatix Andre-
ouiensis perpetuo ADMINISTRATORI,

Dño D. ac Mæcenati Ampliss.



BONIS Reipublica Romana temporibus Illustriss:
Domine, Cato vir morum gravitate, summaq; Cen-
soria potestatis & prudentiæ laude cõmendatissi-
mus, diligenter suis inculcabat Ciuibus, semper o-
peris aliquid in manus sumerent, quod citò laboris
molestia transiret, verum memoria præclare acto-
rum eternum duratura esset. Vox Laconica quidem, ac mirum quàm
ad persuadendum efficax, animum quoq; meum incitauit, vt quicquid
à me in presenti in celeberrima Academia Cracouiensi, publico certa-
mini proponitur, sine amplissimo Illustrissimæ C. V. patrocinio non
defendatur. Lator namq; vel maximè exoptatum tempus aduenisse,
quo cum submissa deuoti animi propensione planũ faciam tantò iustius
Illrmæ C. V. hæc à me offerri, quantò libetius recognosco beneficenti-
am illius C. V. conatus meos fratrique mei in primis ad maiorem Diuinæ
laudis accessionem, & familiæ nostræ Religiosæ ornamentum pro-

moneri. Teneant necesse est ac deuinciant totum animum, tanta be-
neficia, quibus clientes à Patronis in loco studiorum publico, vt nos
à te Illustr. D. in Academia Iagellonica, ad optimas artes bono cōmuni
fouendo excolendas formamur, & perficimur. Contentioni nostrae li-
terariae, vel hac ipsa quae à me nunc I. C. V. porriguntur Erothemata
argumentum sunt. Manipulus iste sit licet primo aspectu exiguus
at robore ac firmitate veritatis, neq; triario cedit militi, neq; minacem
vllam ex aduerso reformidat impressionem. Quid ita? Sunt enim
hac Erothemata sancto suo Doctore D. Thoma Aquinate non indi-
gna, sunt quasi intima rationem humanam excolenti Philosophia o-
racula; sunt illius luminis & firmamenti Ecclesiae pignora carissima,
quae vel ab eo facile vel ipse ab ea planè cognoscatur. Quid quod
sunt merces animi praestantes Scholae in Academia Cracouien. perau-
gusta, à Magno Vladislao aeternum fama & predicatione duraturo
tantà beneficentia excitata, & utilitati communi amplificanda Di-
uino planè viri tanti consilio erecta. Istius facti gloriosi, vir tantus
geminum fructum consecutus Dei fruitionem sempiternam & me-
moriā posteritatis aeternam. Ducentur hoc itinere gressu non in-
felici ingenia sapientiae ac veritatis amore inflammata etiam ad super-
nam felicitatem ex admiratione pulchritudinis vniuersi expetendam.
Istius via quando ego in praesenti libens insisto, & veritatis abditioris nor-
mas non peruulgatas accuratius confector, quibus eruendis ex tene-
bris, & in luce constituendis, tanto labore tot saeculis insudatum; eas-
dē ex fontibus veritatis depromptas reuerentissimè exosculatus, animi
quae par est submissione Illustriss. Celsit. V. porrigo. Hoc Tu Illustriss.
Dñe animi deuoti munus vultu benigno & sereno accipies, cum hic
nullae contortae lateant Diodori, aut Stilbonis conclusi uncula imò cla-
ra & perpetua eluceant magni in Ecclesia Dei doctrinae cū pietate as-
sertoris documenta. Quo me suis precibus apud Diuinā Maiestatem ad-
iuuante, vnaq; patrocinio I. C. V. & nominis amplitudine suffragante,
O actui

Et ad huius propositum pro mediocritate responsurum, & ab eiusmodi exercitiis sepius instructo emolumentis olim Diuina laudis & Ecclesie sanctae propagandū vtiliorem futurum confido. Sed quantumcunque inde boni promanaturum sit, merito in Illustriss. C. V. ut in fontem suum redundabit, à quo istius benignitatis riuulos deduci & derivari recognoscimus. Faxit suprema & infinita Maiestas Diuina, ut vel peculiaria hęc cultus sui & pietatis promouendæ studia, vel excimia in bonum patria & Rempub. promerita, vel cogitationes istæ tam sollicitæ & efficaces, quibus religiosa familia nostra ut aquilæ iuuentus refloruit, vberiore & hic in vita mortali ampliorum honorum mercedem; & serò tandem quod maxime optamus at certò felicitatem immortalem consequantur.

Illustrissima ac Reuerendiss. Celsitud. V.

Deditissimus ac humillimus
Cliens, & exorator

Fr. Paulus Paczowski S. Ord. Cisterciens.
Conu. Andreouien. Profess.

Mihi certè nunquam statutum animò fuit
mea dogmata pertinaciter tueri. Quanquam
enim multi id non facere videntur, & sententiam
cum qua senuerunt, mutare erubescunt, id ta-
men ego à Philosophia alienissimum esse arbi-
tror; siquidem veri Philosophi munus est, semper
rationi parere, & veritatem non solum mente,
sed etiam ore confiteri.

Iacob. Zabarella l. Apol: C. 1.

Per omnes partes sapientiæ manat & funditur
quæ rem definit, genera dispertit, sequentia ad-
iungit, perfecta concludit, vera & falsa diiudi-
cat differendi ratio & scientia. Ex qua cum sum-
ma vtilitas existit ad res ponderandas; tum ma-
ximè ingenua delectatio, & digna sapiente.

Cicero 5. Tuscul.

THEO-

THEOREMATA LOGICA.

De Philosophia in Communi.



Cognitionem rerum ut sunt, dari contra Cratylum & Heraclitum asserimus. Illius habitui à Socrate Philosophiæ nomen iure impositum : atq; hunc genericè vnum ab Aristot : 6. Metaph. in Speculatiuum & Practicum adæquatè diuisum. Speculatiuo contineri Logicam, Mathematicam, Physicam, & Metaphysicam. Practico autem morum doctrinam, in Ethicam, Politicam, & Oeconomicam distributam.

De Logicæ constitutione.

2. Necessitas Logicæ ad alias scientias plurimum facit. Ea ut est docens est verè scientia, etiam speculatiua, quæ circa Ens rationis quatenus operationum est directiuum negotiatur, tanquam adæquatum obiectum, à quo vnitatem specificam recipit. Illius finis proximus est cognitio sui obiecti, remotus autem dispositio in intellectu ad omnium scientiarum veritates perfectè cognoscendas relictæ. Neq; constituit habitum realiter distinctum à Logica vtente, cuius est ad eliciendos assensus probabiles concurrere, qui in ordine ad Logicam docentem appellantur actus secundarii.

De Natura Entis Rationis.

3. Nomine Entis rationis licèt significantur aliquando Formæ intellectui inhxerentes, aliquando effectus, nonnunquam res intelligibilibus speciebus repræsentatæ : attamen illa quæ nonnisi esse obiectiuum

obiectiuum in intellectu habent, Entis rationis nomine importan-
tur. Horum diuifio celebris est in negationes, priuationes, & relati-
ones. Priuationibus aliquod fundamentum in rebus dari nihil ve-
tat: fecus negationibus. Obiectum Logicæ relationibus contine-
tur atque magis diftinctè fecunda intentione exprimitur, cui ratio
fundandi est denominatio extrinfeca ab intellectu cognofcente, per
quam ab intentionibus fecundis Grāmaticæ atq; Rhetoricæ diftin-
guitur in denominatione extrinfeca à voluntate fignificationem
imponente, immediatè fundatis. Et quamuis reflexiue ab intelle-
ctu cognofcatur fpecie diftincta cum ordine ad intentionem pri-
mam, non tamen proprietatibus demonftrabilibus deftituitur: In-
tellectum fui fabricatorem, non autem aliquem ex fenfibus reco-
gnofcit.

De vniuerfalibus in Communi.

4. Prædicari, per quod Logica vniuerfalia definiuntur, conuenit
naturæ vt Quod, Vniuerfali autem fiue intentioni fecundæ vt Quo,
non autem aggregato ex intentione & natura, neq; intentioni na-
turam cōnotanti, vel è contra. Naturæ ab intentione fecunda deno-
minatæ à parte rei vnitas realis fundamentalis correspondet, forma-
lis autem eft ab intellectu illam repræfentante. Natura fecundum
fe accepta ficut à ftatu quem habet in re & in intellectu abftrahit,
ita & ab vnitate. Aptitudo effendi in pluribus naturæ competit
quatenus ab intellectu repræfentatur. Quando afferunt Philofo-
phi Definitionē vniuerfalis per prædicari, effe quidditatiuam; præ-
dicabilitatem radicaliter fumunt, formaliter enim prædicabilitas ac-
cepta vniuerfalis Logici eft proprietas. Vniuerfalia Logica dun-
taxat funt Quinque. Indiuiduum enim non ingreditur illorum or-
dinem, fed fe habet proportionabiliter atque vnitas ad fpecies nu-
meri.

De vni-

De vniuersalibus in Specie.

5. Genus quod primum inter vniuersalia sibi locum vendicat. differentias per quas diuiditur potentiâ continet, cùm de speciebus prædicatur in recto. Habet se vt totum, quam prædicationem respuit, quatenus ad speciem constituendam cum differentia concurrat. Genus in substantiis corporeis sumitur à materia, à qua cum Intelligentiæ sint immunes in illis genus ab eo in quo omnes conueniunt, est desumendum. Cæterum accidentium genera ex varia habitudine ad substantiam.

6. Speciei natura constituitur per prædicari de pluribus numero differentibus in Quid. Eius diuisio recta est in subalternam & infimam.

7. Diuisio differentiæ in communem, propriam, propriissimam, est Analoga, pro vario munere, varias sortita est definitiones, sub illam quæ prædicari dicitur de pluribus specie differentibus, non cadit vltima specifica, tamen per hoc non expungitur. Tàm hæc quàm subalterna per habitudinem ad inferiora constituitur.

8. Proprii natura est soli omni & semper speciei conuenire, ex cuius effluit principiis. Dicitur vniuersale in ordine ad inferiora.

9. Accidens per ordinem ad subiecta, quæ ab illo contingenter denominantur in ratione vniuersalis constitui, definitio sua probat. Rectè per separabile & inseparabile diuisum est, primò competit indiuiduis, vt proprium speciei.

Antepredicamenta.

10. Vniuoca dicuntur, quorum nomen cõmune est & ratio substantiæ secundum nomen est eadem. Equiuocorum nomen commune ratio naturæ diuersa. Denominatiua secundum idem nomen habent appellationem ita vt solo casu differant.

11. Voces vel sunt incomplexæ, vel complexæ. Res aliæ sunt substantiæ, aliæ accidentis. Substantia vel est vniuersalis, vel singularis, pariter Accidens, aut vniuersale, aut singulare. Accidentis natura nunquam commodius explicari potuit quàm cum ita dicitur esse in subiecto, vt cum in illo sit non sicut quædam pars impossibile est, sine eo esse in quo est.

12. Dux Regulæ Antepredicamentales sunt notissimæ: Prima, Quando alterum de altero prædicatur tanquam de suo proprio subiecto, tunc quicquid conuenit prædicato, conuenit etiam subiecto. Secunda, Diuersorum generum & nõ subalternatim positorum diuersæ sunt specie differentiæ. Hæc Aristotelica, imò veritatis ipsius oracula in doctrina Antepredicamentorum,

Categoria Aristotelis.

13. Logica nõ mittit falcem in alienam messem, etiam si Categorias considerat, eas namq; sub vexillo intentionum suarum tam diu militare cogit, quàm diu Metaphysica, quæ iubet partes Entis esse Cataphractorum eis armaturam non tribuit. Denarius Categoriarum numerus à Philosopho sic colligitur. Quæ secundum nullam complexionem dicuntur, vnum quodq; aut Substantiam significat, aut Quantitatem, aut Qualitatē, aut Ad aliquid, aut Vbi, aut Quando, aut situm esse, aut habere, aut facere, aut pati. Hem farraginē rerum omnium tantillo compendio inuolutam! sed quia in breuitate obscuritas inest euoluenda est.

14. Substantia quæ propriè principaliter & maximè dicitur, est quæ neq; de subiecto dicitur, neq; in subiecto est, vt Petrus. Secundæ substantiæ dicuntur Species & Genera, in quibus insunt primæ. Ratio substantiæ non per hoc quod negatur esse in alio constituitur, sed quia per se est seu existit. Proprietates habet, non esse in subiecto, vniuocè prædicari, non habere contrarium: non suscipere
magis est

magis & minus, suscipere contraria successiue. Vltima consultò hic
reseruata vt explicetur: quæ est; Prima substantia significat hoc a-
liquid, secunda quale quid, quatenus nimirum prædicati vicem su-
bit ratione primæ videtur esse Qualitas, cum sit vt forma ratione ma-
teriæ subiecti singularis. Ens summum infinitum reponi in substan-
tia vetat summa illius essentia simplicitas, nulli enim in ea conce-
ptus generis & differentia locum habent. Entia substantialia com-
pleta per se in substantia collocantur, incompleta reductiue. Con-
creta per se, abstracta reductiue.

15. Quantitas cum sit accidens reale, non est idem realiter cum
substantia, Species habet continuas vel discretas, permanentes, vel
successiuas, vt sunt, linea quæ longum, superficies quæ latum, cor-
pus quod profundum absoluunt, & magnitudinem continuant, cuius
principium est punctus, vt numeri vnitas, & orationis syllabarum
distinctæ prolationes, in discretis locus & motus, huc verè non spe-
ctant esto Tempus pertineat. Vnitas Prædicamentalis addit aliquid
reale positium incompletum ad Quantitatem continuam, prout
illam indiuisibiliter consequitur, quæ Entitas incompleta respondet
proportionem puncto quod est magnitudinis, nisi quod hic dicat si-
tum, illa non. Esse sine contrario, magis & minus excludere, dare
æqualitatem rebus vel inæqualitatem Quanti sunt affectiones, ac
ratio formalis extensio quam radicaliter diuisibilitas & mensura
consequuntur.

16. Relatio Categorica est nec à subiecto multò minus à ter-
mino absoluta, vnde sortita nomen. Esse illius minutum nec ta-
men non reale etiam quo ad esse Ad per quod formaliter constitui-
tur: Nam esse In ei familiare cum accidentibus quibuscumque. Quo
refer omnem relationem creatam, secundum esse, mutuam, quæ de-
creto Philosophi, triplex fundamentum habet, vnitatem & nume-
rum, actionem & passionem, mensuram & mensurabile. Relatio

requirit subiectum, fundamentum, rationem fundandi, terminum correlatiuum realiter existentem. Ex quo Relatio terminatur ad respectiuium. Afficitur contrarietate tum & intensiōe ratione fundamenti alias affectiones pro suis recognoscit.

17. Secundum Qualitatem res dici quales in confesso est, prout Ens completum substantiale à forma accidentali disponitur ac determinatur. Quatuor species, tres proprietates habet. Habitus à Dispositione specie distinguitur.

18. Sex reliquis Prædicamentis non relatio extrinsecus adueniens, sed forma intrinseca in subiecto ab extrinseco relicta tribuenda est, eadem secundario dicunt ordinem secundum dici, vt patet in definitionibus singulorum.

19. Post prædicamenta vsui sunt in ambiguis distinguendis, quæ cum in communi ad vnum genus non possunt reuocari hinc acceptiōes illorum explicantur, quibus doctrina Prædicamentalis completur, & sunt Oppositio, Prius, Simul, Motus, & Habere.

Ex Libris de Interpretatione.

20. Nomen & Verbum sunt principia orationis Logicæ Incomplexa, quorum materia sunt ipsæ voces, forma significatio. Ac nomen quidem est vox significatiua ad placitum sine tempore, cuius nulla pars separatim significat. Porro verbum est vox significatiua cum tempore, cuius nulla pars separatim significat, & semper est eorum, quæ de altero dicuntur nota. Horum complexum est oratio quæ in communi considerata est vox ad placitum significatiua, cuius pars separata aliquid significat.

21. Ex dictis signorum necessitas colligitur, quorum alia sunt naturalia, alia ex instituto & placito, quibus hinc locus est, idque loquendo de signis instrumentalibus. Nam signum formale contra hæc distinguitur, quando ipsum simul cum re innotescit quam significat. Est

ficat. Est autem signum quod præter cognitionem sui ducit nos in cognitionem signati.

22. Oratio Logica enunciatiua perfecta illa dicitur quæ verum vel falsum significat, quam si consideres secundum principia vocis & significationis, totius essentialis: si secundum partes integrantes totius integralis: si secundum partes subiectiuas, totius potentialis appellationem promeretur. Non enunciatiua, quæ distribuitur in imperatiuam, deprecatiua, interrogatiua, vocatiua, &c. Logici Grammaticis concedunt.

23. Vnum de alio enunciare est ratio sub quam omnis enunciatio cadit, nam quod eadem describitur per hoc quod verum vel falsum significet passio eius est quod de altero aliquid enunciat: in quo subiectum vt materia copula cum prædicato Formæ loco habetur, nec plures terminos oratio Enunciatiua simplex requirit. Verum consurgit ex conformitate intellectus ad rem in intellectu cõponente ac diuidente.

24. Species Enūciationis hinc patent. Si rei substantia attenditur in Categoricalam, & Hypoteticam, & hæc in Conditionalem, Copulatiua, Disiunctiuam, distribuitur, vt quoddam vniuocum sumpta affirmatiua, & negatiua includit. Ratione Quantitatis est vniuersalis, Particularis, Indefinita, Singularis. Ratione Qualitatis in veram & falsam, absolutam & modalem, Finitam, Infinitam diuiditur. Quo affirmatiua & negatiua reuocantur, si qualitas latius prout dicit modum significandi essentialem sumatur. Demum ratione materie in naturalem, contingentem, remotam,

25. Oppositio Enunciationum consurgit ex mutua combinatione duarum propositionum contrariè, subcontrariè, subalternè, & contradictoriè pugnantium. Æquipollentia in conuenientia significationis perspicitur. Conuersio est, quando reciproca fit mutatio terminorum. Atq; tot sunt proprietates Enunciationis, quatenus confertur vna cum alia.

26. Enunciatiōnes contrariæ in nulla materia possunt esse simul veræ, vt nec subcontrariæ falsæ, esto in materia contingenti duæ simul veræ sint; non tamen simul falsæ. Subalternæ subalternantes sequuntur quo ad veritatem & falsitatem. Duas contradictorias in nulla materia esse veras aut falsas simul, principium est. At Enunciatiōnes de futuro contingenti singulari cum in causis lateant, quæ se habent ad vtrumlibet indeterminatè vt voluntas humana, determinatam scientiam non pariunt, quæ tantum est actu existentium.

27. Quia veritas latè sumpta etiā in prima apprehensione reperitur, illi verò vt sciendi instrumenta Definitio, & Diuisio inseruiunt vtriusq; natura per hoc innotescit. Quia vt Definitio nis mus est naturam definiti essentialiter vel descriptione clariorem reddere; ita Diuisionis proprium diuisum generis in partes subiectiuas, totius in partes, vel essentielles, vel integrales, subiecti in accidentia, accidentis in subiecta partiendo ambiguitatem confusi remouere.

Ex Libris vtriusq; Analyseos.

28. Syllogismus Græcis est ratiocinatio seu discursus Latinis, tertiam operationem intellectus perficiens, cum sit ens rationis artificiale ex vna vel duabus præmissis, aliud verum per formam illatiuam Ergo inferens, atq; hoc pacto ex vna vel duplici enunciatiua veritate, & alia illatiua cognitio discursiua integratur. Vnde discursu aliquid inuestigare est, quasi aliud ex alio inferendo ad eius de quo dubitabatur notitiam peruenire.

29. Definitio Syllogismi Aristotelica recepta est, maximè quod sit oratio, in qua quibusdam positis & concessis, aliud quidpiam sequitur, eò quod hæc posita sunt: principia eius materialia remota termini Categorematici, proxima Enunciatiua veritas, Formalia Figura cum modis in quibus diuersæ combinationes proximè ad formationem Syllogismorum faciunt.

30. Tres

30. Tres distinctæ Specie Figuræ Syllogismo consuevendo suffici-
enter assignantur, quæ secundum diversam terminorum collocati-
onem constituuntur, quartam cum nihil novi adferat, expungimus.

31. Tantum celebre dictum Philosophi omnem doctrinam & di-
sciplinam fieri ex præexistenti cognitione de notitia rerum discursu
sua procedit: quæ cum talis sit præcognitiones præsupponit. Quæ
do per An sit existentia subiecti inuestigatur; quod si de principi-
is an sit quæritur, veritas non existentia eorum attenditur. Etiam
Quid sit de subiecto præcognoscitur, quando causa Demonstrationis
est subiecti Definitio. Passio quæ subiecto inest, duntaxat quo
ad Quid nominis præcognoscenda est, nam existere eius & quid
rei demonstratur. Per Quia causa connexionis prædicati ad subie-
ctum quæritur. Sed cum Quia est ad an sit reuocatur dux sunt præ-
cognitiones, An sit & Quid est, & tria præcognita subiectum, prin-
cipia, Passio.

32. Bina Definitio Demonstrationis utraq; bona, quæ tamen
prior est eadem melior, hæc est Quod sit oratio collecta ex præ-
missis veris, primis, immediatis, prioribus, notioribus, & causis con-
clusionis. Posterior ad hanc digitum intendit cum Demonstratio
scire facere dicitur.

33. Sequitur autem cum ex talibus causis sequatur Demonstra-
tio scientifica illam esse necessariam, cuius necessitatis ampliora
præsidia sortitur ex tribus conditionibus, quæ præmissis suis conue-
niunt, ut sint de Omni idque secundum de omni posterioristicum
quod vniuersalitatē temporis subiecti & omnium quæ sub illo con-
tinentur includit, item sint iuxta modos præsertim duos priores
perfectatis, item sint secundum quod ipsum, hoc est vniuersaliter
conuertibiles terminos habeant. Hinc omne prædicatum per se, est
de omni non viceversa, & omne vniuersale est per se non viceversa.

34. Species adæquatè Demonstrationem diuidentes duas esse.

alteram

alteram Propter quid dictam sic quòd non solum passionem probat de subiecto, sed etiam propter quid illi inest demonstrat: alteram, Quia est, quæ saltem docet scire hoc ita esse, v. g. stellas non scintillantes esse propè nos.

35. Medium Demonstrationis potissimæ non est Definitio Passionis primi termini, quin verius est ipsa subiecti definitio. Circulo in Demonstrationibus locus non est, regressui utcunq; esse potest, cum à notioribus nobis ad notiora naturâ libenter humana infirmitas progrediatur.

36. Est aliquid & magni quidem momenti in quo tantum bonus demonstrator sudat, est aliquid in quod ille totum Demonstrationis apparatus dirigit: At quid illud tandem est? Scientia bona, expetenda, æterna; incorruptilis, immutabilis, ex tenebris in apertum diuersos habitus scientificos producens, prout illi rationes formales obiectorum diuersorum suppeditantur. Ab eadem certam vnus habitus perfectionem ab eo obtineri, quòd in potentia tantum ad illam erat priusquam perficeretur dogma est generale & verissimum. Nam cum potentiarum naturæ indeterminatio; maximam propè imperfectionem nostram euidenter adstruit (quam verum & speculationum ignari ad oculum præferunt) istius mali nulum est præsentius & communius antydotum; atq; est ista quæ exoptato perficimur habitu diuersitas; quam si non plenè comprehendimus, sed utcunq; apprehendimus & distinguere nouimus inter infeliciores qui nihil istorum in vita attigerunt; non adeò sumus infelices. Cum igitur Scientia sit Habituum intellectus ad intelligendum in potentia existentis; ab aliis duobus Habitibus speculatiuis sapientiâ nimirum qui est Habitus causarum altissimarum & communissimarum, & Intellectu qui Habitus est principiorum distinctus realiter: iure optimo ipsa dicitur esse Habitus Conclusionum ex veris & necessariis principiis deductarum. Hic ergo Habitus se extendit sub

dit sub vno certo obiecto ad cognitionem rei per causam cognoscibilis per quam res talis constituta est.

37. Subalternatio scientiarum alia est à subordinatione earundem. Nam Politicæ in Ciuitate subordinata omnia; Et magis primo Enti omne Ens creatum. Ratio tamen propriæ subalternationis est, cum passionibus subalternatæ probantur per principia subalternantis & obiectum illius dependet ab obiecto istius.

38. Habitum primorum principiorum à scientia distingui, & qualitatem esse superadditam potentia; ope intellectus agentis sufficienter produci solitam tenemus. Vnum Habitum vnā esse Qualitatem simplicem sub ratione obiecti sub Qua specificatam tuemur, Tām quo ad Habitum quā quo ad actus, Scientiam, Opinionem. Fidem in eodem intellectu, de eodem subiecto, eodem tempore impossibilia esse non inficiamur.

39. Notum est non passim in scientiis Demonstrationes obuias esse, ideoque vsus est frequens Syllogismi in verisimilibus constituendis occupati; distinctus hic est à Litigioso, multò magis à Sophistico, & infestis Sophismatum tām in dictione quā extra dictionē scopulis, quibus impensius detineri labor non grauis est, nec ingenii maturioris contentio.

PROBLEMATICA QVÆSITA in gratiam varia expetentium.

- I. *Virum præstet vnā tota vita artem operosè consecutari, an singulas mediocriter degustare.*
- II. *V. præceptis an exemplis facilius informamur.*
- III. *V. Respub. sine literis salua consisteret.*
- IV. *V. inter vitæ mala nihil sit peius intestinis periculis.*
- V. *V. seruitus obsistat animi actibus.*

- VI. *V. amicus importunus sit continua febricula.*
- VII. *V. facile sit eum inuenire, qui quod sciat alteri non communicet.*
- VIII. *V. nouis erumpentibus vitiis noui opus sit legibus & consiliis.*
- IX. *V. vir bonus ullis periculi terroribus ab officio & amore patriæ desistere debeat.*
- X. *V. æque desertores & proditores patriæ vituperandi sunt. Cic: 3. Tusc. ut enim leges omnium salutem singulorum saluti anteponunt, sic vir bonus, & sapiens, & legibus parens, & Ciuilis officij non ignarus, utilitati omnium plus quàm vnius alicuius aut suæ consulit. Nec magis vituperandus est proditor patriæ, quàm communis utilitatis ac salutis desertor propter suam utilitatem aut salutem. Ex quo fit, ut laudandus sit is, qui mortem optet pro Repub. quod doceat chariorem nobis esse patriam quàm nosmetipsos.*
- XI. *V. omne fucatum tinctu temporis innotescit.*
- XII. *V. si concedatur illud data magnitudine dari maiorem, inferri possit cælum augeri posse non aliter quàm sua Luna augetur. ¶ Non sequitur ex imaginatione Geometrica rem naturalem accretione vel diminutione agitari. Lunæ quoq; lumen accessu recessuq; à sede plus minusue variatur. Hinc ineptè dicitur, Lunam esse villicum Soli Domino humores è terra genitrice & Oceano pro alimonia præparantem.*
- XIII. *An Circularia eminüs mota stare videntur.*

[illegible]

NS AMMEGSULUMUTMV VMTUMULVSGEMMA NS
ET ET
O O
DO DO
MOR MOR
TV TV
A A
PREN NERP

Res noua! jam redivivus adest; quem totus humarat
Orbis, & ad Lechi rostra locatus, ouat.
REM SPIROPERENEMENEREPORIPSMER
Desine mirari, bona nam flaccescere Nardus
Nescit, at oppressam, Solea, Cruxq; leuat. ef

DOOREICORFORAVIVADEOEDAVIVAROPROCIBROOD

A. Fre. Emerico Zaiczovvski eiusdem Monast.
Profes. boni ominis ergò positum.



*Sub auspiciis velis & Zephyris Magnifici
& Admodum Rñdi Domini,*

**D. ADAMI OPATOVII, S. Th. Doct.
& Profess. ad Ecclesiam Coll. S. ANNÆ Decani,
Vniuersitatis Cracouiensis
GENERALIS RECTORIS.**

**M. IOACHIMO SPERONOWIC Collega Min.
Vladislauiani tum Cursus Profess. aduertēte.**



XXIV. 5. 12.

Biblioteka Jagiellońska



stdr0009768

